

LA EPISTOLA UNIVERSAL DE SAN JUDAS APOSTOL

YA'A KUU CARTA JA NI CHAA SAN JUDAS APOSTOL NUU TAKA ÑAYIVI KAKANDIJA

¹Máá-rí kúu Judas ñani Jacobo, te mozo Jesucristo kúu-ri. Te cháa-ri tutu yá'a nuu róo, ñayivi ní kana-ya xiní, ja ní ndundoo-ró ní sá'a Táa-yo Dios. Te Jesucristo, ndíto va'a-ya róo. ²Tu'un kuaká'nu ini, jín tú'un vindáa vinené, jín tú'un kúndal'ú ini tá'an ná ndeá-ga nuu-ro sá'a-ya.

Ná kuíni ni'in-yó jín tú'un kándija

³Ñani máni jíná'an-ró, xaan jítu ini-ri chaa-ri tu'un nuu-ro ndasa ni nama-ya yóo jíná'an-yó. Ko ni jini-ri ja jínu ñú'ún ja cháa-ri tutu nuu-ro ja má kuá'a-ró tú'un stíví-i tu'un kákandija-yó, ja ñin jínu-ni ni ja'a-ya tú'un-ún nuu ñayivi ndóo. ⁴Chi yaku ñayivi, ni kivi koyo sa'í-i. Te tú káchiñ'ún-i Dios. Te ni kanasama-i tu'un luu ío ini Dios máa-yó, ni kanasá'a-i tu'un kuáxán. Te suni tú kájatá'ú-i máa Jíto'o-yo Jesucristo, ni Dios ja máa ñin-ni-ya tá'ú tíñu. Ko ñayivi yá'a, onde aná'an a ni kunda ja tá'nu ndatu-i.

**Dios kúu I'a sándaq tiñu
siki cháa ñáa i**

⁵Te vina, vasa a ni kajini va'a-ró, ko ná náxndáku-ri nuu-ro ndasa ni sá'a máa-yá. Chi vasa a ni nama-ya ñayivi ini ñuu Egipto, ko kúkuéé-ga, te ni xnáa-yá sava-i ja tú ní kákandija-i. ⁶Te ndajá'a-ya ja ní kaskéndoo tiñu kándiso, te suni ni kaskéndoo ve'e káxiukú, ni ju'ni-ya ndajá'a-ún jín cadena ní káni, káxiukú chí ñuñáa onde kivi ká'nu ja cháa juicio. ⁷Suni ni ndo'o ñuu Sodoma jín ñuu Gomorra jín sava-ga ñuu ni ka'jin yani. Chi ñayivi ñuu-ún, suni súan ni kajika téné-i, te sñin kuñu kuáxán ní kándúkú-i. Te ñuu-ún kúu ñin ja ná kóto nchaq-yo, chi ni kando'o-i juicio nuu ñú'un ní káni. ⁸Te suni modo súan kásá'a ñayivi yá'a, chi jín tú'un ká'an jani jín-i, te kásáchá'an-i yiki kúñu-i, kásákátá-i nuu cháa ndíso tíñu, te káka'an ndiva'a-i siki ja kakuñá'nu. ⁹Te Miguel, ndajá'a

ñá'nu-ga, hora ja ní státá'an-ya jíin kuí'na sikí yíkí kúñu Moisés, tú ní chúndéé iní-ya nákuḡndíi-ya sikí kuí'na-ún, ja ká'an ndiva'a-ya, chí sua ni ka'an-ya: Máa Tatá Dios, ná kána jíin-yá nuu-ro, áchí-ya. ¹⁰Ko ñayivi yá'a káka'an ndiva'a-i sikí táká ja tú kájuku'un ini-i. Te tu'un kájiní máá-i ja máá-i, nátu'un kiti yúkú-ni, jíin tú'un yúan te naa-í. ¹¹Naká ndá'ú koo máá-i, chí a kája'an-i ichi ní kandii Caín. Te ni katau-i kája'an-i yata sá'an ñáa Balaam náva'a ni'in-í najíin sikí-ún. Te suni kánaa-í jíin tú'un já'a ini Coré. ¹²Ñayivi yá'a, nuu káyee-í jíin-ró, te kákuu-i iin cha'an núu káyee maní-ro. Te tú káyu'ú-i koto va'a-i máá-i ja skée-í máá-i. Viko ja tú ndíso saḡ kákuu-i, ja ndéché-ni sá'a tachí. Yunu ja tú kúun nde'e víko saḡ kákuu-i, uu jínu ni kajil'i ja ní tu'un onde yo'o. ¹³Su'ma mar ja ndóna kákuu-i. Te ti'ñu mar kúu tu'un kuka nuu ini-i. Nátu'un tiñuú xíní ja kájika kuu sáni kákuu-i, te ni sátu'a-ya lugar ñuñáa lúchi túun nuu kúxiukú-i ní káni. ¹⁴Te Enoc, chíi tata usia Adán, ni jani-de tu'un sikí ñayivi yá'a: A ni chaḡ máa Tatá Dios jíin kuá'a xaḡ ñayivi ndóo-ya, ¹⁵náva'a sándaḡ-ya tiñu taká ñayivi, te nakuxndíi-ya sikí táká ñayivi ja tú káchiñ'ún-i-ya, chí ni kasá'a-i tiñu ñáa, kuachi ja tú ní káchiñ'ún-i-ya. Te suni kua'a tú'un ndiva'a ni kaka'an-i sikí-yá, áchí-de. ¹⁶Ñayivi yá'a, kákutuku ini-i, te

káka'an ndiva'a-i nani ja káta'an-i, te kásá'a-i ndéni kaní ini máá-i. Káka'an ni'in-i ja kándaḡ téyí-i, te vixí káka'an-i náva'a ni'in-í najíin. ¹⁷Ko máá-ró, ñáni máni, ná nándaku ini-ro tú'un ni kaka'an chaḡ ni kakuu apóstol máa Jíto'o-yo Jesucristo. ¹⁸Chí ni kaka'an-de: Onde kivi ndí'i-na te koo ñayivi sákátá núu-ro. Te ñayivi-ún, kaka kuu-i ja ndúkú-i sá'a-i tiñu ñáa ja kákaní ini máá-i, áchí-de. ¹⁹Ñayivi yá'a kákuu ja sásíin ñayivi. Ñayivi yúkú kákuu-i, chí tú ncháa máa Espíritu-ya ini-i. ²⁰Ko máá-ró, ñáni máni, ná skuá'nu-ró máá-ró jíin tú'un ii káandija-ró. Te kakaḡ ta'u-ro jíin Espíritu Santo. ²¹Ma kúxio-ró núu tú'un kúndá'ú ini Dios róó, te ná ndúkú-ró ja máa Jíto'o-yo Jesucristo, ná kúndá'ú ini-ya róó ja kúchaku-ro ní káni sá'a-ya. ²²Te kundá'ú ini-ro sáva-i, vasa kájani síkí ini-i. ²³Te nama-ró yakú-ga-i vasa yú'ú-ro, te nátu'un stáa-ró-i nuu ñú'un. Te sava-ga-i kundá'ú ini-ro-í, vasa jíto u'u-ro sá'ma chá'an ja ní kukini ni sá'a kuñu-i. ²⁴Te vina ío iin-ni I'a ja kúu koto róó, náva'a tú kanangava-ró kuáchi, te kuu sá'a-ya ja kuñi-ró núu ndíi ncháḡ máá-yá, jíin ja má kóo chá'an-ró, jíin ja kúsiḡ xaḡ ini-ro. ²⁵Te nuu máa iin-ni Dios, I'a náma yóó, ná nákana jaa-yó-yá, te ná kóo ja jíñú'ún-yó núu-yá. Te ná tá'ú máá-yá tiñu jíin fuerza ndíso-ya, vina te onde ní káni ní kúí. Súan ná kóo. Amén.